



DIRU-LAGUNTZEN DEIALDI PUBLIKOA, BARAÑAINGO IKASTETXEETAKO GURASO ELKARTEEN JARDUERAK EGITEKO, 2015/2016 IKASTURTEAN

ATARIKOA

Barañaingo Udalak, Kulturako, Euskarako eta Hezkuntzarako bitartez, haren helburuen artean du: Barañaingo ikastetxeetako –ekimen publiko zein pribatu, eta Nafarroako Gobernuaren Hezkuntza Departamentuak legez aitortuta- ikasle eta gurasoen prestakuntza integralari laguntza ematen dioten egitasmo eta jardueren garapena sustatzea. Aipatu helburua gauzatzeko baliabide ekonomikoak bideratzen zaizkie ikastetxe horietako Guraso Elkarteei.

Beraz, Udalak indarrean duen aurrekontuaren mugen barne, eta kontuan hartuta azaroaren 17ko 38/2003 Diru-laguntzen Lege Orokorrak finkatzen dituen printzipioak (publizitatea, gardentasuna, konkurrentzia, objetibotasuna, berdintasuna eta bereizkeria eza), diru-laguntzak emateko deialdia proposatzen du udalak, Barañaingo Ikastetxeetako GURASO ELKARTEEN jarduerak egiteko, 2015/2016 ikasturtean.

1. DEIALDIAREN XEDEA

- 1.1 Deialdi honetarako diru-kopurua, gehienez ere, 10.000 eurokoa da (hamar mila euro), 2016. urteko aurrekontuan dagoen 31 42200 48900 "Subvenciones a apymas" kontu-sailean jasota.
- 1.2 Deialdiaren xedea da, laguntza ekonomikoa ematea Barañainen dauden edozein mailatako ikastetxeetako legez eraturako Guraso Elkarteei. Laguntza, hain zuzen, eskola dinamika indartzera bideratutako hezkuntza-kultura jarduerak programatu eta antolatzeko, eta Guraso Elkarte horien parte-hartzea sustatzeko ikastetxeetako hezkuntza lanetan. Hona hemen, besteak beste, zein lan liratekeen horiek: gurasoen prestakuntza; hezkuntza jarduerak zeinetan parte hartzen baitute aitek, amek eta ikasleek; jarduerak zeinetan sustatzen baita parte-hartzea; baita, Guraso Elkarteek antolatu eta kudeatutako edozein jardura mota ere zeina izango baita elkarteko kideentzat edo hezkuntza komunitateko gainontzekoentzat.
- 1.3 Jardueren edukiak bideratu beharko dira segidako helburuak betetzera:
 - Barañaingo ikastetxeetako –ekimen publiko zein pribatu, eta Nafarroako Gobernuaren Hezkuntza Departamentuak legez aitortuta- ikasle eta gurasoen prestakuntza integralari laguntza ematen dioten egitasmo eta jardueren garapena sustatzea, eta hori guztia lortzeko laguntza ekonomikoa ematea ikastetxe horietako Guraso Elkarteei.



- Laguntza ekonomikoa ematea Barañainen dauden edozein mailatako ikastetxeetako legez eraturako Guraso Elkarteei, pertsonen garapen integrala bultzatzen duten jarduerak edo programak garatzeko. Jarduera horien bitartez azpimarratuta, besteak beste, genero indarkeriaren zein fisikoaren aurkako baloreak, belaunaldien arteko harremanak, eta, gure herriko ingurunea, kultura edo historiaren ezagutza.
 - Erraztasunak ematea jarduerak egiteko, ikasleen arteko harremanetarako elkarguneak ahalbidetzen dituzten jarduerak hain zuzen, laguntasuna eta elkar bizitza sustatzen dituztenak, bai ikasleen arteko harremanak bai beraien gurasoekikoak.
 - Bultzatzea jarduera mota oro, eskolaz kanpokoak edo osagarriak izenarekin ezagutzen direnak orokorrean. Jarduera horiek laguntza emango diote ikasleen prestakuntza integralari.
- 1.4 2015ko irailaren 1etik 2016ko ekainaren 30a bitarte burutzen diren jarduerak dira diruz lagunduko direnak.
- 1.5 Jarduera zehatz baten gaineko zalantzak sortuko balira -deialdiaren barne ala deialditik kanpo dagoen hura, alegia- Barañaingo Udalaren Tokiko Gobernu Batzordeak hartuko luke erabakia, zergatikoa duen akordioaren bitartez.
- 1.6 Deialditik kanpo geratuko dira:
- Ikasleentzat edo gurasoentzat ez diren jarduerak.
 - Inola ere ez dira diruz lagunduko mantenu gastuak, bazkariak, afariak, "luntxak", e.a.
 - Inola ere ez da diruz lagunduko inbentarioko materiala (ordenagailuak, irratiak, altzariak, funts bibliografikoak...). Soilik lagunduko dira diruz liburu erosketak, beti ere liburu horiek zerikusi zuzena dutenean antolatutako jarduerekin (literatura topaketak, gurasoen prestakuntza...).
 - Ezaugarri sexistak, arrazistak, indarkeriazkoak, etabarrekoak dituzten jarduerak.
 - Diru-sarrera propioak, eta nahikoak, dituzten eta defizitrik ez duten jarduerak.
 - Ageriki faltsukeriaren pean erori diren eskaerak, edo osatu gabeak agertzen direnak.
 - Aurreko urteetan gastuak justifikatu ez zituzten eskaerak edo diru-laguntza bat jasotzeak dakartzan eginbideak ez zituztenak bete.

2. ENTITATE ESKATZAILEAK

Eska dezakete diru-laguntza, deialdi honen gain, Barañainen helbidea duten Haur, Lehen eta Bigarren Hezkuntzako ikastetxe publiko zein pribatuko Guraso Elkarteek zeintzuk Udalaren intereseko zerbitzuak eman edo jarduerak egiten baitituzte. Eskaerak aurkezteko epea bukatzen denean, Guraso Elkarteek segidako baldintzak bete beharko dituzte (eta baldintza horiek mantendu diru-laguntza ematen den ekitaldi ekonomiko guztian):

- Euren estatutuetan ezarritakoari jarraiki garatzea jarduerak, hezkuntza esparruan.
- Pertsona juridikoa izatea, legalki eratua eta behar bezala izena emanda egotea Nafarroako Gobernuko Elkartearen Erregistroan eta Barañaingo Elkartearen Udalerregistroan.



- Betebehar fiskalak eta Gizarte-segurantzakoak egunean edukitzea. Barañaingo Udalarekiko betebehar fiskalei dagokionez ofizioz egiaztatuko da hori guztia, behar diren zuzemen bidez agerrarazita. Era berean, emakidaren proposamena egin aurretik, ofizioz egiaztatuko da ez duela zenbatekorik ordaintzeke Udalaren Diruzaintzan. Foru Ogasuna eta Gizarte Segurantzarekiko betebeharrak dagozkion zuzemenen bidez egiaztatuko dira; dena den, ez daudenean derrigortuta betebehar horiei dagozkien egiaztagirak aurkeztera adierazpen arduratsuen bitartez egiaztatuko da betebehar hura betetzen dutela, 2. Eranskinak duen edukiaren gisan.
- Ez izatea aurkezteke aurreko urteetan jasotako diru-laguntzen zenbatekoei dagozkien ordainagiriak.
- Ez edukitzea sinatuta Barañaingo Udalarekin elkarlanerako hitzarmenik, zerbitzu kontrataziorik edo beste era bateko kontratu edo konpromisorik egitasmoarentzat zeinetarako eskatu baita finantzazioa. Era berean, diru-laguntzarik ez jaso izana Udalaren beste arloetatik jarduera bererako.

3. ESKAEREN AURKEZPENA

- 3.1 GURASO ELKARTEetako lehendakariak edo ordezkariak egin behar dituzte eskaerak.
- 3.2 Barañaingo Udalaren Herritarrak Hartzeko Bulegoan (OAC) aurkeztu behar dira eskaerak, 8:30etik 14:00etara, edo, bestela, Herri Administrazioen Araubide Juridikoari eta Administrazio Prozedura Erkideari buruzko Legean aurreikusitako bitartekoak erabiliz. Deialdi hau Nafarroako Aldizkari Ofizialean argitaratu eta biharamunetik kontatzen hasita 20 egun naturaleko epean aurkeztu beharko da eskaera.
- 3.3 Diru-laguntzarako deialdi honetan dagoen I. Eranskina aurkeztu behar da eskera bideratzerakoan, eta eskaerarekin batera segidako agiriak:
 - Jardueren zerrenda, II. Eranskina eredu hartuta, eskaera aurkezteko epemugan jarduera horien gaineko beharrezko datuak eskuratu direnean.
 - Idatzizko konpromisoa zeinetan jasoko baita Barañaingo Udalaren armarrria eta "*Laguntzailea: Barañaingo Udala*" esaldia agertuko direla diru-laguntza jasoko duten jardueren gaineko hedapenerako eta publizitaterako euskarrietan.
 - Ziurtagiriak zeintzuetan egiaztatuko baita betebehar fiskalak eta Gizarte-segurantzakoak egunean dituztela edo, kasua bada, Adierazpen arduratsua (III. Eranskina eredu hartuta) zeinetan jasoko baita ez daudela behartuta betebehar horiei dagozkien aitorpen edo agiriak egitera. Barañaingo Udalarekiko betebehar fiskalei dagokionez ofizioz egiaztatuko da hori guztia, behar diren zuzemen bidez agerrarazita. Era berean, emakidaren proposamena egin aurretik, ofizioz egiaztatuko da ez duela zenbatekorik ordaintzeke Udalaren Diruzaintzan.
 - Elkarre eskatzailearen (lege-ordezkariak sinatuta) adierazpen arduratsua zeinetan jasoko baita elkarteak izena emanda duela Nafarroako Gobernuaren Elkartearen Erregistroan eta Barañaingo Udalaren Elkartearen Erregistroan, eta azalduz Erregistro horietan aurkeztutako dokumentazioak aldaketarik ez duela izan (III. Eranskina eredu hartuta).
- 3.4 Diruz lagunduko den zenbatekoa onartzen den aurrekontuaren portzentaje bat izanen da, kontuan izanda –arau orokor gisa- aurrekontu horren % 50ean finkatuko dela diru-laguntzaren gehienezko kopurua.

Azkeneko kostu erreala hasieran aurreikusi denarena baino txikiagoa bada, diru-laguntza proportzionalki murriztuko da, azken kopuruetara egokituz.



- 3.5 Behin eskaera aurkeztuta, begiratuko da ea aurkeztu diren agiriak bat datozen oinarri hauetan eskatutakoarekin. Akats edo hutsunerik balego, horretarako, gehienez ere 10 eguneko epea emanen zaio eskatzaileari, zuzenketa eskaria jakinarazi eta biharamunetik hasita. Hala egiten ez badu, eskaera bukatutzat joko da eta eskaera bertan behera utzi duela ulertuko da.

4. BANATZE IRIZPIDEAK

- 4.1 Aurkeztu diren eskaerak aztertuko ditu Barañaingo Udalak eta diru-laguntzak emango ditu ondoko irizpideei jarraituz:
- Jardueren izaera hezigarria.
 - Aipatutako ikastetxean matrikulatuta dagoen ikasle kopurua.
 - Eskaera kopurua.
- 4.2 Banaketa ekonomikorako ondoko irizpideei jarraituko zaie:
- 1) Ikasle kopuru ofizialaren arabera banatuko da, 2015eko irailaren 15ean matrikulatuta daudenekin.
 - 2) Onartzen den aurrekontuaren portzentaje bat; kontuan izanda gehienezko diru-laguntza, orohar, aurrekontuaren % 50a dela.
- 4.3 Betiere, diru-laguntzaren zenbatekoa, aurreko ataleko irizpideetatik ateratzen diren diru-kopuruaren arteko txikiena izango da.
- 4.4 Azkeneko benetako kostua hasieran aurreikusitakoarena baino txikiagoa bada, proportzionalki murriztuko zaizue diru-laguntza, eta azken diru-kopurueta egokituko da hura. Beraz, arrazoizko aurrekontua aurkeztea aholkatzen dizuegu.

5. DIRU-LAGUNTZEN EBAZPENA

- 5.1 Barañaingo Udalaren Tokiko Gobernu Batzordeak hartutako akordioaren bidez eginen da diru-laguntza horien ebazpena zeina interesdunei jakinaraziko baitzaie eta Udalaren iragarki Ohelean argitaratuko baita, eta Guraso Elkarteek 15 eguneko epea izanen dute, kasu balitz, diru-laguntzari uko egiteko. Kultura, Euskara eta Hezkuntzarako Informazio Batzordean azalduko dira emandako diru-laguntzen gaineko argibideak.
- 5.2 Tokiko Gobernu Batzordeak akordioa hartu eta hura helarazi eta gero, diruz lagundutako kopuruaren % 75a dirutuko du Udalak.

6. DIRU-LAGUNTZAREN JUSTIFIKAZIOA

- 6.1 Bideratu ahal izateko % 25aren ordainketa (geratzen den 2. ordainketari dagokiona), ezinbestekoa da GURASO ELKARTEAK egiaztatzea emakidaren akordioan eskatutako baldintzak bete direla eta deialdiarenak ere bai. Horretarako, eta 2016ko irailaren 30a baino lehen, Barañaingo Udaleko Herritarrak Hartzeko Bulegoan (OAC) –Hezkuntza arlora bideratuta- ondoko agiriak aurkeztu behar dira:
- Gastuen justifikazioa (IV. Eranskina eredu hartuta). Fakturak, nominak, eta abarrekin -jatorrizkoak edo konpultsatuak- justifikatu behar dira gastuak, indarrean dauden legeei jarraiki, eta diruz lagundu den jardueren hurrenkeran zerrendatuta. Diruz lagundutako jarduera bakoitzeko IV. Eranskin bana aurkeztu behar da.
 - Deialdiaren 7.2 puntuan zehazten diren baldintzak bete direla egiaztatzen duen adierazpena.



- Hala balegokio, kontzeptu berarengatik jasotako diru-laguntzen egiaztagiriak zeinetan zehaztuko baita zeintzuk diren diru-laguntza jaso duten jarduerak. Lege-ordezkariek izenpetutako agiria aurkeztu behar da zeinetan zehaztuko baita: jasotako diru-laguntza, zein jardueretara bideratu den hura, aurrekontua, diru-sarrerak eta defizita. Beste diru-laguntza batzuk jaso dituzten jarduerak ez dute izanen Udalaren diru-laguntza jasotzeko aukerarik, jasotako diru-laguntzarekin defizita erabat estali gabe geratu izan ezik.

6.2 Diru-laguntzari dagokion justifikazioa aurkeztu eta gero, deialdi honetako 6.1 puntuan jasotako baldintzekin bat ote datozen begiratu du Udalak, eta geratzen den % 25a bideratuko da.

7. BETEBEHARRAK

- 7.1 Diruz lagundutako jarduerak aldaketaren bat jasanez gero, derrigorrez jakinarazi beharko dio hura Hezkuntza Arloari.
- 7.2 Eskatzaileek derrigorrez agerrarazi beharko dute Barañaingo Udalaren armarría eta "*Laguntzailea: Barañaingo Udala*" esaldia, diru-laguntza jasoko duten jardueri dagozkien hedapen eta publizitate euskarrietan.

8. BALIZKO EZBETETZEAK ETA ONDORIOAK

Hartutako diru guztia edo zati bat itzuli beharko da eta dagokion berandutza korritua ordaindu (diru-laguntza ordaindu zenetik aitzina), honako kasu hauetan:

- a) Diru-laguntza zer xedetarako eman zen, helburu hura ez betetzea.
- b) Diru-laguntza eskuratzea horretarako eskatzen diren baldintzak bete gabe, onuradunari egozten ahal zaizkion arrazoiengatik.
- c) Jasotako dirua zertan erabili den erakutsi beharra ez betetzea.
- d) Batera ezinak diren diru-laguntzak aldi berean jasotzea.
- e) Diru-laguntza emateko kontuan izan diren baldintzak aldatzea edo ez betetzea.
- f) Deialdi honetan aipatzen diren egiaztapen egintzei trabak jartzea eta horiei men egin beharra ez betetzea.
- g) Beste kasu batzuk, berariazko arau edo oinarrietan arautuak.

Organo emaileak hartuko du diru-laguntza itzultzeari buruzko erabakia, alde zuzenetik espedientea instruiturik, aplikatzekoa den legeria orokorarekin bat.

Itzuli beharreko zenbatekoak zuzenbide publikoko diru-sarreratzat hartuko dira eta horiek kobratzeko, diru-bilketari buruz indarra duen araudian xedatzen dena aplikatuko da.

9. ONARTZEA ETA INTERPRETATZEA

9.1 Deialdi honetan parte hartzeak bertako baldintza guztiak onartzea dakar.

9.2 Tokiko Gobernu Batzordeari dagokio baldintzen esanahia interpretatzea, haien alderdi guztiak barne.



Ayuntamiento de Barañáin
Barañaingo Udala

Pza. Consistorial s/n
Udaletxeko plaza z/g
31010 BARAÑAIN
(Navarra-Nafarroa)
Telf.: 948 28 63 10
Fax.: 948 28 63 08

10. ARAU-HAUSTE ETA ZEHAPENAK

Diru-laguntzen eta laguntza publikoen arau-hauste eta zehapenei dagokionez, Diru-laguntzei buruzko azaroaren 17ko 38/2033 Lege Orokorraren bigarren Xedapen Iragakorreko 4. puntuan eta Lege bereko IV. Tituluan xedatutakoak aginduko du.

11. DIRU-LAGUNTZETARAKO ARAUDIA

Honako Deialdi hau bertan jasota dauden baldintzekin kudeatuko da, eta, oinarri hauetan aurrez ikusi ez den orotan, aginduko du ondoko araudiak: Diru-laguntzei buruzko azaroaren 17ko 38/2033 Lege Orokorra; Nafarroako Toki Administrazioari buruzko Foru Legea; Nafarroako Toki Ogasunei buruzko Foru Legea; Barañaingo Udalaren diru-laguntza emateak arautzen dituen Ordenantza; Nafarroako Ogasun Publikoari buruzko Foru Legea; eta, arau osagarri gisa, Aurrekontuen Lege Orokorra, eta diru-laguntzei buruzko Estatuko Araudia.

Barañain, 2016ko urtarrilaren 11a.